

SAMÞYKKT

um breytingu á samþykkt um stjórn og fundarsköp
Stokkseyrarhrepps nr. 25/1989, sbr. samþykkt nr. 461/1990.

1. gr.

6. gr. samþykktarinnar hljóði svo:

Meðal verkefna hreppsnefndar Stokkseyrarhrepps eru:

1. Að kjósa oddvita og varaoddvita hreppsnefndar, nefndir, ráð og stjórnir skv. VI. kafla sveitarstjórnarlaga sbr. og V. kafla samþykktar þessarar og skoðunarmenn til að annast endurskoðun ársreikninga hreppsins skv. VIII. kafla sveitarstjórnarlaga. Ennfremur að ráða sveitarstjóra og aðra fasta starfsmenn hreppsins skv. VII. kafla fyrrnefndra laga sbr. og VI. kafla þessarar samþykktar.
2. Að setja samþykktir og gjaldskrár, eftir því sem lög mæla fyrir um og þörf krefur.
3. Að stjórna fjármálum hreppsins, stofnana hans og fyrirtækja er falla undir fjármálastjórn hans, skv. VIII. kafla sveitarstjórnarlaga sbr. og II. kafla samþykktar þessarar.
4. Að ákveða stjórnkerfi hreppsins og fyrirtækja hans.

2. gr.

10. gr. samþykktarinnar hljóði svo:

Hafi forsendur fyrir gerð fjárhagsáætlunar breyst verulega, s.s. ef verðlagsbreytingar hafa verið verulega meiri en ráð var fyrir gert, er hreppsnefnd heimilt að endurskoða fjárhagsáætlunina. Slíkar breytingar afgreiðir hreppsnefnd við eina umræðu, enda hafi breytingartillögurnar verið kynntar hreppsnefndarmönnum á sannanlegan hátt og í tæka tíð, sbr. 16. gr. samþykktar þessarar og 79. gr. laga nr. 8/1986.

3. gr.

12. gr. samþykktarinnar hljóði svo:

Hreppsnefnd heldur reglulega fundi í skrifstofu Stokkseyrarhrepps annan fimmtudag hvers mánaðar. Hreppsnefndarfundir skulu að jafnaði hefjast kl. 17.00. Heimilt er að fella niður fundi í hreppsnefnd í júlímánuði.

Aukafund skal halda í hreppsnefnd eftir því sem þörf krefur að mati oddvita hreppsins og sveitarstjóra og skylt er að halda aukafund í hreppsnefnd ef a.m.k. þriðjungur hreppsnefndarmanna krefst þess.

4. gr.

15. gr. samþykktarinnar hljóði svo:

Oddviti hreppsnefndar og sveitarstjóri semja dagskrá hreppsnefndarfunda.

Á dagskrá hreppsnefndarfunda skal taka:

1. Lögákveðnar kosningar s.s. kosningar oddvita hreppsnefndar, kosningar nefnda, ráða og stjórna svo og kosningar eða ráðningu sveitarstjóra og annarra fastráðinna starfsmanna.
2. Fundargerðir nefnda, ráða og stjórna á vegum hreppsins, ef, eða að svo miklu leyti sem hreppsnefnd þarf að samþykkja ályktanir sem í þeim felast sbr. 55. gr. samþykktar þessarar.
3. Önnur mál, sem falla undir verksvið hreppsnefndar og oddviti og/eða sveitarstjóri ákveða að taka á dagskrá eða einhver hreppsnefndarmanna óskar að tekin verði á dagskrá. Hreppsnefndarmaður, sem óskar að fá mál tekið á dagskrá hreppsnefndar-

fundar, skal tilkynna það oddvita eða sveitarstjóra með skriflegri tillögu eða fyrirspurn a.m.k. þremur sólarhringum fyrir fund.

Dagskrá hreppsnefndarfundu skulu fylgja afrit fundargerða, tillagna og annarra gagna, sem oddviti eða sveitarstjóri telja nauðsynleg. Dagskrá skal jafnframt fylgja afrit fundargerðar síðasta hreppsnefndarfundar.

5. gr.

24. gr. samþykktarinnar hljóði svo:

Hreppsnefnd afgreiðir mál að jafnaði við eina umræðu. Þó skal hafa tvær umræður með a.m.k. einnar viku millibili um eftirtalin málefni:

1. Fjárhagsáætlun hreppsins.
2. Ársreikninga hreppsins og fyrirtækja hans.
3. Samþykktir, reglugerðir og gjaldskrár sem hljóta eiga staðfestingu ráðherra.
4. Áætlanir fyrir hreppinn, sem gilda eiga til lengri tíma, s.s. þriggja ára áætlanir og skipulagsáætlanir.
5. Beiðni um fjárhagsaðstoð skv. 90. gr. sveitarstjórnarlaga.

6. gr.

56. gr. samþykktarinnar hljóði svo:

Hreppsnefnd kýs í eftirtaldar nefndir, ráð og stjórnir:

A. Til eins árs. Á fundi í júní ár hvert:

1. *Skoðunarmenn*. Tveir aðalmenn og jafnmargir til vara samkv. 84. gr. sveitarstjórnarlaga nr. 8/1986.
2. *Undirkjörstjórn við alþingiskosningar*. Tveir aðalmenn (hrepstjóri, sjálfkjörinn formaður) og þrír til vara samkv. 10. gr. laga nr. 80/1987 um kosningar til Alþingis.
3. *Veitunefnd*. Einn aðalmaður og einn til vara skipaðir til eins árs í senn samkv. 10. gr. samnings Selfossveitna b.s. frá 3. september 1992.

B. Til fjögurra ára. Á fyrsta eða öðrum fundi að afloknum hreppsnefndarkosningum:

1. *Áfengisvarnarnefnd*. Tveir aðalmenn og jafnmargir til vara samkv. 30. gr. áfengislaga nr. 82/1969.
2. *Byggingar- og skipulagsnefnd*. Fimm aðalmenn og jafnmargir til vara samkv. 6. gr. byggingarlaga nr. 54/1978.
3. *Hafnarnefnd*. Þrír aðalmenn og jafnmargir til vara samkv. 9. gr. hafnalaga nr. 23/1994.
4. *Heilbrigðisnefnd Selfossvæðis*. Einn aðalfulltrúi og einn til vara samkv. 6. gr. laga nr. 81/1988 um hollustuhætti og heilbrigðiseftirlit.
5. *Kjörstjórn við sveitarstjórnarkosningar*. Þrír aðalmenn og jafnmargir til vara samkv. 23. gr. sveitarstjórnarlaga nr. 8/1986.
6. *Skólanefnd grunnskóla*. Þrír aðalmenn og jafnmargir til vara samkv. 19. gr. laga nr. 49/1991 um grunnskóla.
7. *Húsnæðisnefnd*. Nefndin er skipuð fimm aðalmönnum og jafnmörgum til vara. Þrír nefndarmenn skulu kosnir af hreppsnefnd og tveir tilnefndir af stærstu samtökum launafólks í sveitarfélaginu samkv. 40. gr. laga nr. 97/1993 um Húsnæðisstofnun ríkisins. Jafnframt annast húsnæðisnefnd verkefni húsaleigunefndar samkv. 76. gr. laga nr. 44/1979 um húsaleigusamninga.
8. *Stjórn vinnumiðlunar*. Þrír aðalmenn og jafnmargir til vara samkv. 9. gr. laga nr. 18/1985 um vinnumiðlun.
9. *Búfjáreftirlitsmaður*. Einn aðalmaður og annar til vara samkv. 9. gr. laga nr. 46/1991 um búfjárhald.

10. *Vatnsveitunefnd*. Þrír aðalmenn og jafnmargir til vara. Nefndin fer með málefni vatnsveitunnar samkv. 2. gr. laga nr. 81/1991.
 11. *Atvinnumálanefnd*. Fimm aðalmenn og jafnmargir til vara. Nefndin skal vera hreppsnefnd til ráðuneytis um atvinnumál og gera tillögur til hennar um allt það sem horfir til framdráttar í atvinnumálum í sveitarfélaginu.
 12. *Bókasafnsnefnd*. Þrír aðalmenn og jafnmargir til vara samkv. 7. gr. laga nr. 50/1976 um almenningsbókasöfn.
 13. *Æskulýðs- og íþróttanefnd*. Þrír aðalmenn og jafnmargir til vara. Nefndin skal vera hreppsnefnd til ráðuneytis um æskulýðs- og íþróttamál og gera tillögur til hennar um allt það sem horfir til framdráttar í æskulýðs- og íþróttamálum í sveitarfélaginu.
 14. *Jafnréttisnefnd*. Þrír aðalmenn og jafnmargir til vara. Nefndin skal vinna eftir lögum um jafna stöðu og jafnan rétt kvenna og karla nr. 28/1991.
 15. *Almannavarnanefnd*. Þrír aðalmenn og jafnmargir til vara samkv. 8. gr. laga nr. 94/1962 um almannavarnir sbr. 5. gr. laga nr. 85/1985.
 16. *Félagsmálanefnd*. Þrír aðalmenn og jafnmargir til vara. Félagsmálanefnd annast störf samkv. lögum nr. 40/1991 um félagsþjónustu sveitarfélaga. Jafnframt fer félagsmálanefnd með verkefni barnaverndarnefndar samkv. lögum nr. 58/1992 um vernd barna og ungmenna og verkefni öldrunarnefndar samkv. 5. gr. laga nr. 82/1989 um málefni aldraðra.
 17. *Menningarmálanefnd*. Þrír aðalmenn og jafnmargir til vara. Nefndin skal vera hreppsnefnd til ráðuneytis um menningarmál og gera tillögur til hennar um allt það sem horfir til framdráttar í menningarmálum í sveitarfélaginu.
 18. *Leikskólanefnd*. Þrír aðalmenn og þrír til vara. Nefndin starfar samkv. 9. gr. laga nr. 78/1994 um leikskóla.
 19. *Umhverfisnefnd*. Þrír aðalmenn og jafnmarga til vara. Nefndin skal vera hreppsnefnd til ráðuneytis um umhverfismál og gera tillögur til hennar um allt það sem horfir til framdráttar í umhverfismálum í sveitarfélaginu.
- C. Kosning og tilnefning fulltrúa í nefndir og ráð sem leiða af samstarfi sveitarfélaga á Suðurlandi, Árnessýslu og Sambandi íslenskra sveitarfélaga eftir því sem lög, reglur og samþykktir segja til um.

Samþykkt þessi, sem hreppsnefnd Stokkseyrarhrepps hefur sett, samkvæmt 3. mgr. 7. gr. sveitarstjórnarlaga nr. 8/1986 með síðari breytingum, staðfestist hér með til að öðlast þegar gildi, og birtist til eftirbreytni öllum þeim sem hlut eiga að máli.

Félagsmálaráðuneytið, 10. ágúst 1994.

F. h. r.

Húnbogi Þorsteinsson.

Sesselja Árnadóttir.